

bák-chiu kàu chít sì.

119. (7) Siat-sú bák-chiu eng-tiòh kàu put-chí tiam m̄ thang jê. Bák-chiu tiòh pàng khoeh tiáp-á kú, kiám-chhái ka-kī òe lâu bák-iû sóe-tú, nā bô chiū thang tùi bák-chiu phê tiòh-kôaiⁿ khí-lâi, hō eng-ia tè bák-iû lâu-chhut, á-sī chiong bák-phê péng khí-lâi khòaⁿ eng-ia á-sī chít ki í-keng lak ê bák-chiah-m̄ng tī tah-lòh, thang sòa ēng n̄ng-n̄ng koh chheng-khì ê kun á-sī mī-hoe khin-khin chhit khí-lâi. Nā bô kín hó tiòh chheng-kàu i-seng.

(8) Siat-sú tōa lāng á-sī gín-á bák-chiu thiàⁿ, lâu chōe-chōe bák-sái ko, chit hō pīⁿ khòai-khòai tò-tiòh lāng. Beh tí-hông chit ê tãi-chì n̄ng lāng ê bīn m̄ thang saⁿ-óa, koh bák-chiu thiàⁿ ê lāng tiòh ēng lēng-gōa bīn-kun. Lāu-bú ká gín-á chhit bák-chiu liáu-āu tiòh sóe chhiú, chiū khah bōe tò-tiòh ka-kī ê bák-chiu.

Lūn chhùi-chih òe hun-piat bī-sò.

120. Chhùi-chih chiū-sī kúi-nā tiâu sòe tiâu ki-bah saⁿ liân-háp lâi chiāⁿ. I ê bīn ū sù-mòh phor teh. Tī chih ê lāi-tiong iā ū huìh-kng, chin-kng kap náu-sòaⁿ. Chih ê sù-mòh ū 3 hō ê chhi kiò chòe tōa-chhi, tieng-chhi, sió-chhi. Tōa-chhi iok-liók ū poeh liáp nā-tiāⁿ, tī chih āu-pòⁿ ê tieng-ng pài-liát chhin-chhiūⁿ jīn-jī. Tiong-chhi pí tōa-chhi khah chōe, si-sòaⁿ pài-liát tī chih ê bīn, chóng-sī chih-chiam pí chih-āu khah chōe. Sió-chhi tī chih ê chēng-pòⁿ, nā ēng hián-bi-kiàⁿ lâi khòaⁿ sī chhin-chhiūⁿ iù-iù kék sòe ê m̄ng. Ū iù-iù ê náu-sòaⁿ tī ták chhi ê ē-tóe, sī tùi thâu-náu tē 9 tùi náu-sòaⁿ lâi ê. Chiah ê náu-sòaⁿ ná háp ná tōa tiâu, chòe thòan-jip náu hit hō náu-sòaⁿ. Nā ū sím-mih mih tī chhùi-lāi, chiah ê náu-sòaⁿ òe thòan-pò náu, lāng chiū òe chai bī-sò cháiⁿ-iūⁿ.

Lūn phī-khang ê kong-iōng.

121. Phīⁿ í-keng tī tē 39 chat lūn siōng-sè. Tī chia put-kò kóng phīⁿ-khang chòe ngó-koan ê kong-iōng. Phīⁿ-khang lâi si-kòe ū náu-sòaⁿ hun sòaⁿ tī sù-mòh lâi. Tī chiah ê náu-sòaⁿ ê tieng-kan ū ê òe pò bong á-sī thiaⁿ, ū ê òe hun-piat phang chhàu í-kip chōe-chōe hō ê bī. Hun-piat bī ê náu-sòaⁿ, sī siók thâu-náu thâu chit tùi ê náu-sòaⁿ, tē 98 chat í-keng kì.

Lūn bong ê ti-kak.

122. Phê lâi ták só-chāi ū ti-kak hit hō thòan-jip ê náu-sòaⁿ, só-í bong mih òe liām-piⁿ hun-piat chho-iù, sio-léng, ngī-n̄ng iáh òe hun-piat mih ê hēng-chōng, chóng-sī ták só-chāi bōe pīⁿ-pīⁿ gâu hun-piat. Chng-thâu-á bé kap chhùi-tún phê khah bín-chiát. Lāng khah siōng sī óa-khò bák-chiu lâi chai mih ê hēng-chōng, nā-sī chhiⁿ-mī ê tiòh bong chiah òe chai. Lán thang ēng bák-chiu khòaⁿ chheh, chhiⁿ-mī ê bōe, só-í bat pī-pān chheh, i ê jī-hēng lēng-gōa chit khoán, koh chhòng phòng ê, chhiⁿ-mī lāng nā ēng chng-thâu-á lâi bong i, tiòh hák-síp chiah òe hun-piat hiah ê jī lâi thák.

Lūn seng-khu òe chòe iàu-kín ê ke-si-thâu.

123. Sai-hū ài beh chòe hó ê kang-hu, tek-khak tiòh ēng lâi ê ke-si. Bák-kang ê sui-bóng put-chí gâu, i ê ke-si nā tun só chòe ê bōe chap hun hó. Lāng ê seng-khu thang phì-jū sī sim-su ê khi-kū, seng-khu nā khám-khó, só chòe ê kang thái-thó òe hó. Ióng-kiāⁿ ê seng-khu sī pí kim-gùn khah hó. Sòng-hiong lāng nā ióng-kiāⁿ, pí ū pīⁿ ê hó-giáh lāng khah